



Gjynahet dhe gabimet burojnë nga:

1. Mendjemadhësia; kështu veproi Iblisi i mallkuar.
2. Lakmia; është ajo e cila e nxori Ademin nga xheneti.
3. Xhelozia; njëri nga bijtë e Ademit vrau vëllain.

Ai i cili ruhet nga këto tri burimet e gjynaheve i është ruajtur të keqes: kufri vije nga mendjemadhësia, gjynahi nga lakmia, dhe padrejtësia nga xhelozia.

Shtyllat e kufrit janë katër:

1. Mendjemadhësia;
2. Xhelozia;
3. Hidhërimi;
4. Epshi.

Mendjemadhësia e pengon nënshtrimin, xhelozia pengon pranimin e këshillës, hidhërimi e pengon drejtësinë, dhe epshi pengon ibadetin (adhurimin e Allahut).

Kur shkatërrohet shtylla e mendjemadhësisë lehtësohet për robin nënshtrimi.

Kur shembet shtylla e xhelozisë lehtësohet pranimi këshillës.

Kur shembet shtylla e hidhërimit lehtësohet përulësia dhe drejtësia.

Kur shembet shtylla e epshit lehtësohet durimi, ndershmëria dhe adhurimi.

Shembja dhe eliminimi i kodrave do të ishte më i letë, prej atyre që janë sprovuar, se sa largimi i këtyre katrave,.

Po kur këto menaxhojnë zemrën, atëherë e sheh të pavërtetën në pamjen e të vërtetës dhe të vërtetën me pamjen e të pavërtetës, të mirën në formën e të keqes dhe të keqen në formën e të mirës, e afron afër dynjanë dhe e largon ahiretin.

Marr nga libri “Kisatul-iltizam”

nga Muhamed H. Jakubi

Përktheu: U.F.